

IMF a analisa:

# Gobierno mester corta den su gastonan

ORANJESTAD (AAN): Cu un reaccion fuerte den turismo y inversion priva vibrante, e bista economico di termino cortico ta favorable. Esey ta e analisis di Article IV cu e Mision di IMF pa Aruba a haci.

E grupo cu a bin Aruba, ta calcula cu lo tin un crecimiento di 3,25% den 2005, despues di un crecimiento calcula di 3,5% na 2004. Inversion ta parce di lo keda como e motor di crecimiento, sosteni pa consumo priva robusto y un

crecimiento fuerte den sector turistico.

E posicion ciclico favorable, ta suministra un bon oportunidad pa Gobierno reduci su deficit fiscal. Sin medida adicional, IMF ta proyecta cu deficit di Gobierno (excluyendo AZV) na 4,5% di GDP na 2005, mucho mas riba e meta di den presupuesto, y e deficit di AZV na 1 por ciento di GDP. E deficit proyecta mas halto di Gobierno, mayoria ta worde atribui na proyeccion di entrada demasiado

optimistico. E resultado aki lo resulta den expansion fiscal mas leu y un continuo aumento rapido den debe di Gobierno. E mision di IMF ta calcula cu Debe di Gobierno, incluyendo debe di AZV, lo crece te na 48,5% di GDP na 2005. Cu un economia fuerte, un estimulo

fiscal no solamente ta in-necesario, pero tambe detrimental, debi cu e ta mantene e deficit amplio y ta genera presion inflacionario.

Pesey e grupo di IMF ta recomenda pa tuma medida pa cumpli cu e meta original di deficit presupuestario di 1,9% di GDP na 2005. Esaki

e ora lo preta e postura fiscal, y asina, reduci e necesidad pa Banco Central di bay mantene condicionnan monetario hopi preta. Medidanan adicional lo mester concentra pa corta gasto riba producto y servicionan cumpra, salario, y cuidio medico.

Lo usa hi tec camera pa vigilancia y seguridad

## Parada Grandi di Carnaval polis lo ta bon equipa

ORANJESTAD (AAN): Pa prome biaha segun informe cu Cuerpo Policial Arubano a suministra nan lo ta full equipa durante parada grandi di carnaval. Segun por a comprende, lo bay haci uso di un comando camber special for di cual lo por vigila cu material "Hi Tec" entre otro camera na unda segun version e ruta lo worde vigila.

Awe den transcurso di dia lo por tin mas informe relaciona cu e material special cu polis lo bay usa durante di e gran parada di carnaval. E vigilancia via di camera lo por yuda pa no tin gap den e parada y fuera si ta bon e lo yuda tambe pa seguridad di

Aruba su carnaval. Manera ta conoci cu tur locual e camera ta capta lo ta worde graba y den cualkier incidente e lo worde usa como evidencia.

ORANJESTAD (AAN): Diaranzon, DIARIO a logra di haya un entrevista telefonico cu Director di West Caribbean Airways, Sr Milo Muyale, riba loke a wordo publica recientemente unda ta ser indica cu e compania lo stop di bula dia 24 di January pa motibo cu e ta bayendo bancarota. Sr. Muyale a splica DIARIO cu esaki no ta berdad, y cu e

speculacion aki no ta bon pa e compania. Pa e motibo aki e kier enfatisa na tur esnan cu tin relacion cu e compania y na pueblo en general cu e asunto di bancarota ta leu for di berdad.

Ta berdad cu dia 24 lo stop di bula di Colombia pa Aruba, sinembargo esaki no tin di haber cu bancarota, sino cu entre otro e echo cu e


vuelonan ta largo y e avionnan ta chikito, y esaki no ta comercialmente rentable.

Segun Muyale, e intencion ta pa alrededor di Maart, cuminsa opera bao di e nomber "West Caribbean Aruba", unda cu lo bula cu avionnan mas grandi, dunando pueblo di Aruba e servicio y prijsnan cu nan merece.

Segun Milo Muyale

## West Caribbean Airways no ta bancarota

## WANTED: GOBERNANTE SERIO!!



**BEST DEAL**

Tel: 5827100

(Pariba di Aruba Bank, Paradera)

**BEST SHOPPING DEAL**

Turibana Plaza

Tel: 5865455

Washing  
Machine  
cu Dryer

Afl. 350,=-